

# KI PAROM



## U MEDRO SING DIENGDOH KA BYNTA I

---

KA HOK LONGTRAI LATYNGKAI

---

La pyaphriang da U :- D. T. LALOO,  
Lummawbah,  
RAID SAWKUR NONGKSEH,  
SHILLONG - 793005  
East Khasi Hills, Meghalaya

*Ka Dor 2 Tyngka*



## SIII KYNTIEN

Ka seng Bha-lang Khasi Jaintia Welfare Association, ka iai kynshoit man la ka teng ban leh ei ei na ka bynta la ka jaitbynriew khamtam na ka bynta ki khynnah-rit ha kane 'ka snem ki khynnah-rit' (International Year of the Child) Kumta nga la sei na tyndai ia ki katto katne ki song jingthoh kiba nga la tynsat la katto katne snem naduh ba i ma Medro Sing Diengdoh i la aiti noh ha nga bad i ong artad "Me uba sngew tynnad ban lum, shim ia kine bad leh katba me ibit ban shakri la ka jaitbynriew namar nga la tymmen bad ngam don bor don buit shuh".

Nga la pynshongdor bha ha la marwei ia kine ki jingthoh jong i, nga shem ba ki long kum ki dieng pynpur jhur ba thynram bha ki ban ailad ai lynti ia ki tnaw ba lung ka jabieng ki khynnah-rit ban tda ban pur sha kliar ban phuh ban speh ban thylleng ban seisoh ban phuh ban phieng ka kper ka ri u Hynniew-trep, khamtam ba kine ki jingthoh ki iathuh tang sha-phang kiei kiei kiba ngi don ha Meghalaya.

Mardor nga buh ryntih ia kine ki jingthoh khlem da pynkylla ia ka rukom thoh (style) i ma Medro, bad nga jer ia ki 'KI PAROM U M.S. DIENGDOH' Te khnang ban iarap kylliang ngan pynmih ia ki ha ki thup barit man la u bnai.

Shwa ban pynkut nga pynpaw la ka jingsngew-nguh ia i bah Albert Shabong Riatsamthiah (Member KJWA) iba la kyrshan ram ia ka kot sada ban shon ia kane ka kot, kumjuh ruh ia ki dkhoh bad ki rangbah nongialam ka K.J.W.A. kiba trei shitom khui na ka bynta la ka jaitbynriew.

20 tatik u 'Nailar 1979

MEGHALAYA STATE CENTRAL  
Donbok T. Laloo  
Lummei, Meghalaya  
Reid Sawkur Nongkseh  
Shillong - 793005  
E: Khasi Hills, Meghalaya.

Library books will give you Joy for Life

# JINGKDEW SLA

<i>Lynnong</i>	<i>Sla</i>
1. U Myrsiang	1
2. U Risang	3
3. U Dkhan	4
4. U 'Naipilang	5
5. Ka Khnai	6
6. Ka 'Nai Tynjit	7
7. Ka Syllih	8
9. U Bshad	9
8. U Phyllad	9
10. Ka Miaw Khlaw	10
11. U Kyndad	11
12. Ka Kylla Badur/Ka Lymbit	11
13. U 'Niangkhied	13
14. U Shrieh, U Tngaw & Ka Huleng	15
15. Ki Ryingkew Ki Basa	19
16. Jingshad Ki Sim Bad Mrad-Rit	20

# U MYRSIANG

Baroh ki briew naduh ki khyllung khyannah ki tip bha ia u Myrsiang, wat la kim pat ju iohi ia u, u long uba sianti bha shibun, ka met jong u kum u ksew bad lada phim peit bha phin ong hi u ksew, u shñuih uba lieh bthuh, bthuh iong malu mala, haba dei sngi pat saw bthuh u tdong uba saphum bad u pyndem kat shaba iaid, u long u mrad uba pynduh ia ki jingri jingdub jong ki briew, kum ia ki syiar ki khun blang, ki khun ksew bad kiwei kiwei, phin riam ruh ym ngat, hynrei u long uba ia suk ia ieit ban iarap paialok. Lada ki ksew ki wan kynrup ban dait ia uwei baroh kin wan iarap, u lah u myrsiang ban ia dait para-marwei bad ki ksew khasi laitnoh ia ki ksew suri bad bull Terier. Ki bniat jong u kiba nep bha, bad uba sting bha ban shad mastieh sha kadiang sha kamon, ki ksew kim lah ban ioh dait ioh bat ia u lynda ia don bun ryngkat bad ki briew.

U Myrsiang u bun eh ha sor ba kham pahuh ka bam bad ha ka jaka ba u ia bun u iajlew ha ban da kyllut j'ang. Pe t ka jinesian jong u haba lap ia u hajan u leh kum bymtip eici u shu iaid ne ieng kum u ksew bad tang shu lait na ka jingiohi un her haduh bym lah shuh ban ong bad khuk khak u la poi sha jngai bah jngai san, bad ka daw ka long kumne :-

Haba u don hajan u peit ban ioh lad ban pyllait ialade na kano kano ka jingthmu ban leh ne pynmynsaw ki briew ia u. Lada un shu phet krad, phi ruh phin teh ia u bad phi lah ban ioh pynmynsaw ba um pat ioh lad ban lait, ka jingphetiap jong u tang shu lait na kaba iohi briew pat ka long ba u don ka jingngeit ba khlem pop ki briew ki la ithuh ia u bad kin wan beh nadien haba um iohi bad lada leh suki kin lap shisha bad un kut ka tarik.

Shisien nga lap ia u Myrsiang ba u thap ia ka blang kumta nga dem khop hapoh sañium bad peit kumno u leh, u leit bran bran sha kata ka blang bad

dem khop ha khmat jong ka u peit shlip khlem da  
plai shuh shane shatai bad u kynrup khak na tyllong  
shkor, kata ka blang pat ka long kumba shoh jadu,  
khlem khieh bad khlem lynñiar, te nga ieng joit bad  
kynha u sa pyllait bad phet tang ha jan namar u iohi  
ba nga don sha jngai, kata ka blang haba ka la lait  
ruh kam phet, kumta nga leit ban ñiah noh ia ka sha  
surok bad ieh noh hangta.

Kumno ka mih kane ka ktien Myrsiang Sadew,  
don kiba tharai ba dei hi u Myrsiang uba na ka  
shnong sadew, hynrei ym dei kumta, kane ka long ka  
ktien iakren biria. Ha ki por ba mynshuwa ki nong-  
kyndong kat shaba ki leit ki ri bha la ka akor la ka  
burom bad kim ju nud ruh wat tang ban iakren kai,  
te ynda ka jingleit ki briew ruh la kham iai iashem  
bad ki nongsor ka jingkren batip bastad ka la nangroi,  
Te kumno re kumno ha kawei ka sngi iewduh, uwei  
u nongdie shun uba na Sadew u khot ia ki briew ba  
kin thied shun na u, u da iaroh shibun ch ia ka shun  
da kaba ong ba ka long kaba bang kaba thiang, namar  
ha kata ka juk ne ka por ym pat ju don na ki nong-  
kyndong ba nang ban kren stad ktien ne kren shalak,  
baroh kiba ia don marjan ki la sngew-danda bad ia  
rkhie, te hamar ba la kut, la kynjoh ktien da uwei pat  
u briew bad u ong, 'Ew, me te lok uba stad shisha la  
kum u Myrsiang, Me nangno lih ka shnong? Jubab u  
nongdie shun da kaba sngew-phuhmut phuhmat, nga  
sha Sadew, Me lih, Pynphai ktien pat sa uta u briew  
da kaba ong, 'Ia me te lok la dei hi ban khot u Myr-  
siang Sadew.

Ki Myrsiang ki don la ki krem shajngai na  
shnong, ki kha khun ar ne lai tylli bad bunsien eh ar  
tylli, bad shisien shi snem. U Myrsiang um ju shun  
ia la ki khun shynrang kum kiwei kiwei ki mrad. Ki  
myrsiang ki roi bha ha sor namar bym don ba pyniap,  
hynrei kim ju roi ha Nongkyndong namar ki tang shu  
lap ia ka thliw kha khun, ki thaw lad haduh ban da  
ioh pyniap lang baroh shi khrum (Kata ka mut bad  
Kmie bad kpa bad khun).

# U RISANG

Baroh ki briew ki tip bha bad iohi ia u Risang, une u mrad uba rit kat ka khnai, ka khlieh ki shkor ki bniat ka met bad ki kti thik kum ka khnai, tang ka jingiapher na u tdong ba u long symphum U long u mrad uba sting bha bad uba ka iaid ka ieng jong u halor ki dieng, lada phi peit bha phin shem ka jingitynnad haba u rysied u kynthih na ka kawei ka tnad dieng sha kawei pat kumjuh kumba ha khyndew.

U Risang u don ar ne lai jaid bad ngan ym da baitai namar baroh ki iatip bad iohi jan man ki por, u im da kaba bam ia ki sohdieng bad u long ruh uba pynduh ia ka thung ka tep, bun bun kiba rep ki sngew bitar ia ka jingpynjot jong u, hynrei kin pyniap kim ioh ba u long uba sianti, bad lada ki riam da kano kano ka rukom riam ruh kim ngat lynda ki siat da ka suloi. Te ngan iatbuh ia phi kawei ka buit ban riam ia u. To thung artylli ki rishot bad buh lynter da u dieng uba rit uba jrong kum ka jingthad jaiñ kaba phi ju thad jaiñ hapoh phyllaw, leh ia kanc ar ne lai jaka ha lyngkha jong phi, bad nangta sa peit u iaid ne em halor uta u dieng uba phi buh lynter kum u saitylai thad jaiñ, bad lada phi la iohi ba u iaid u juh bha, ma phi pat to shna da ki ryngkhung kiba rit, teh skhem ha uto u dieng lynter bad sa phnieng ia ki te un tang shu wan un rung bad ngat khlem pep.

Kan long kaei kaci kaba bha ia kiba don suloi ban hikai siat stet da kaba siat shuwa ia une u mrad rit uba stet ka jingher jingkynthih halor dieng, bad ruh kum ka jinghikai ba kin pur ter ter sha ka jingsiat her ia ka sim. Une u Risang shis'ien u la long'u nongshad mastieh uba nang ha ka jingshad suk mynsiem kaba don hyrdai hapdeng ki mrad rit bad ki sim. Peit bha kumno u kaweh ia la ka tdong haba u kynthih na kawei ka jaka sha kawei pat lada halor dieng ne hapoh khyndew u kaweh la kumba kaweh ia u thua shad Weiking.

## U DUKHAN

U Dkhan u long u mrad uba shong hapoh khyn-  
few u kham juh ha ki jaka ba bun u kdait u lynnai  
nomar u im da kaba bom ia ki thied ba lung jong ki  
dieng, ki siej, lynnai bad kdait. Ka jingheh jong u  
kot ki khun ksew kiba dang buin, une u mrad uba  
long sadkhum, tap lip da u shñiuh uba iong, ka  
shadem kaba thohlieh, ka khlieh, ki bniat ki kti ki  
kjat kum ka khnai, ki khmat pat kiba rit bad kiba  
ngan shapoh kumba at mat. Ki bym ju iohi lada ki  
iohi kin da i kynsha shisha.

Une u Dkhan u shong shapoh khyndew bad u don  
la ka skum, la ki kamra, la ka singpei (kata ka mut ka  
pongshai ka thliw kaba u pynpei shadien ing ba lada  
don jingma na sha khmat ing un phet na shadie ) u  
shna ing kham bunsien ha ka khyndew kaba bun ki  
satap maw khnang ban ym don mano mano kiba lah  
ban pynsniew thala. Ki briew ki bam ia une u mrad,  
bad ki tang shu lap ia ka jaka shong ki pylait por  
khnang ban leit tih, shuwa ba kin tih ki set da ki maw  
ia ka singpei ne pongshai, bad ki sa tih, te katba ki  
nang tih u ruh u nang trud nang ngam shapoh khyn-  
dew bad ynda u la thait u set noh ia ka thliw da ka  
khyndew khnang ba ki briew kin ong la kut ka thliw  
bad um shym shong shuh ha kane ka skum, peit u  
mrad ruh u don hi la ka buit ban iada la ka jingim.  
Ki briew kiba ju tih ki tip ba u don da kaba ki sngap  
ia ka jingtrud jong u ba u ngam shapoh khyndew kaba  
i phylla shibun haba ki tih kim juh sahngheh ki tih ir ir  
ki khyllie buk buk ia ki maw ioh u kloï ka ngam sha-  
poh ki maw bah ioh kim ioh shuh ia u. Lada ki ioh  
ki lop noh ia ki bniat ioh u dait briew bad lada kim  
ioh ki nongtih ki la dei ban pang met ba ki tih da  
kaba jubor khlem pynhiar mynsiem bad ñiad syep.

Kumno ki leh haba kin bam doh, ki pyniap ki bad  
sa thang ha ding bad sa khud ia u shñiuh katba u nang  
ing, ki lai leh kumta haduh ban da khuid bha ploin,  
ki sa sajt da ka um bad sa lieh kum u sniang, nangta



pat ki tied ia ka met jong u da u dieng haduh ba un da jem bad lwet, ki sa khlaw ia ki snier, ot lyngkhot ne ot dkhot ia ka doh katno ka phuh ka lykhai ka doh ka ngam jingshoh haba shet bad ka bang bha.

Shisien u Dkhan u la long u nongtem ksing uba nang ha ka shad suk mynsiem ki mrad rit bad ki sim, bad da kaba u rkhié iap-ang iap ler bad jaw ummat ba shad ka Dkhoh, la rit sa ki khmat bad ngam shapoh lyngkdong, ieng sa ki rengmat la kum uba atmat (at ki khmat). Ki Dkhan ki kha khun shisien shisnem lada iwei ne ar tylli.

---

## U 'NAI PIHLANG

Une u long u khnai lum, ka met ka phad, ka kti ka kjat, ki long kumjuh hi kum ka khnai ing, ka met ka saw bthuh, ka kpoh ka byrlieh, une u khnai u don ka jingiapher na ka khnai ing namar ba u heh ka khlieh, bad um ju pynduh ia ka thung ka tep. U shong hapoh khyndew, u den la ka skum la ka singpei (pongshai) kumba ju don ki khnai baroh. Don ruh kiba pyndonkam ia u haba knia pangrih ne khieshoh. Ka doh jong u ka long dawai ia kiba pang-suh shadem. U Wilson, Forest Guard, u la don kum kane ka jingpang hynrei u la koit da kaba u shet syrwa ia une u khnai, u bam lut ia ka doh u dih ia ka syrwa haduh ban da kdang.

Mynta lada nga ong ia phi u Pihlang uba saw ma phi pat phi lap uba byrliong, kata kam pher ei ei tang ba phi dei ban tip janai ba dei ma u, mynta lah ban kha uba saw, ha kawei pat ka por lah ban kha da uba iong.

Lada phi tih ia une u Pihlang phin shem kumne :- Ha ka por dum bnai u shong jylliew, ha ka por shai pat u shong kham ha jrong, ka daw ka long haba shai u bnai u pynmih la ka khlieh shabar u peit sha suin ha u bnai, kumba bishar ia ka pyrthei ka mariang jong u bnai.

## KA KHNAI

Ka khnai ka long ka mrad rit kaba sniew shi-bun eh ka pynduh ia ka rep ka riang jong ki briew, kum ia u Kba, u Riewhadem bad ia kiwei kiwei de ki jingthung. Ha ing ruh kumjuh bad lehse kham palat ka pynsniew ia ka bam ka dih ka khyllie ia u khiew ja khiew jingtah ka pong thlew ia ka dpei bad ki kyndong jong ka ing, bad khadduh ka pynjot ia ki jaiñ ki nep bad ka dait ia ki briew. Mynta la poi ka juk la rem ka miaw u ksew bad la tad kulai Hati man la ki ing ym don miaw shuh mano pat ban pyniap khnai, ka Bih hangne te la iap lut baroh.

Mynta ngin pyniap khnai da i buit barit da ka nar riam khnai bad ngan iathuh khyndiat. Haba nga dang don ha Garo Hills nga shong ha ing sorkari ka-ba harud khlaw kumta ka jingbun khnai ka bym lah shuh ban ong namar ki khnai kiba don ha khlaw ki ia wan lut baroh namar ba ki ioh jingbam, bad ngam banse shuh ban thied nar riam ar tylli, kawei nga riam ha ing heh kawei pat ha ing shet ja. Wow ka jingngat khnai ka bymlah shuh ban ong la katta ruh haba dang shu lah ngat ki sangeh hynrei tang shi miet ar miet pat ki la wan biang bad ngat shi ngat bad ynda la kham sian la kham duna ka jingugat bad hadien kim ngat shuh bad ki iai pynjot ia kiei kiei baroh ha ing te nga pyndonkam da kawei ka buit haba ka bam ne rong sabon nga teh jingbam ha ka nar da ka sabon bad ngat de teng teng. Haba sar ing ia ka ing shet ja ia ki soh khawja bad u dpei nga buh lang bad ka nar kaba khlem phnieng, te la wan ki khnai bad krad ia ka dpei khlem bthei kumta kim tieng bad nga leh kumta bun sngi bad sa phnieng ynda kim tieng shuh kumta ki sa ngat biang.

Ha ing heh pat nga tar rit ia ki kot bad lum lang bad u niut ha kyndong ha lynti ba dei iaid ki khnai bad ynda ki la iaid lait luid shi miet ar miet nga phnieng ia ka nar khlem da teh ei ei hynrei nga tep bha ia ka nar da kine ki kot ba la tar rit lypa bin bin bad pynap ha kata ka lynti ba ki iaid bad ki tang

shu wan par halor kita ki kot bthel ka jingrlam thlap  
bad ngat artad. Te la lynguh ka jingngat khnai bad  
wan mih pat artylli kiba sian bha bad ki dait kat ia  
kaba ki ioh ia ki kot ki sla ia ki jaiñ ki nep ki sei ia u  
kynphad ne rui na ki syngkhlieh bad dait de teng teng  
ia ki briew haduh bym bit shuh ban thiah khlem da  
thang sharak baroh shimiet. Te da ka jingiai riam  
rukum pa rukom ki dum buit bad ki ngat.

---

## KA 'NAI TYNJIT

Kane ka khnai la i kumba ka la duh jaid ka  
daw ba kam ju phet wat haba ki briew ki la sdang  
pyniap ia ka. Kam ju tuh hynrei ka shu kyntur  
ia ki pliang ja pela sha ba buh ha jingbuh um ban  
sa khlieug pat hadien. Kane ka khnai kat shaba  
ka don ka pah bad ka jingiapher jong ka na ka Khnai  
ing ka long na u tdong ba u kham heh bad lyngkot,  
ka khmut ka nep kum ka khmut sniang bad ki bniat  
kiba heh. Haba wan ka khnai ing ka kynrup ka ang  
artad la ka shyntur bad ka pah artad Jit Jit, kumta  
ka khnai ing ka phet pynstet namar kam nud ban ia-  
leh pyrshah bad ka.

Ka jingim kane ka khnai kaba itynnad shibun na-  
mar kam ju pynjot ia ka bam ka dih ha ing ne ka rep  
ka riang ha kper ne ha lyngkha bad kane ka khnai  
kam lait ban kiew shalor jrong ing kum ki khnai ba-  
roh.

Te ia kino kino ki briew kiba bishni bad isih ia  
ki wei pat la ju ong I 'nai tynjit.

## KA SYLLIH

Kane ka long ka mrad kaba lui lui bad kaba itynnad shibun ka rong bad u shñiuh, ka shong halor ki dieng kiba jrong bad ka thaw la ka skum. Ka long ka bym nang ban iada la ka jong ka jingim, bad lu i' sa kumba kan duh jaid ba pyniap eh ki briew.

Lada ki briew ki lap ba ka dem ha u skum ki krynñiuh ia u dieng ba ka thaw skum, ki kawang da a maw, haba dei ka phet haba dei pat kam phet ka shu peit kai. Ngam tip daei ka bam tang ba kam ju pynjot ia ka rep ka riang.

Kane ka mrad ka heh kat ka miaw kmie u tdong una jrong bha ba la tap da u shñiuh uba sawbrut bad ba itynnad bha kyrphum kum u jingtawah ryndang ki Mem.

Kane ka long ka mrad kaba her, kumno ka her ka pret ia lade nalor dieng da kaba pynpyiar artad la ka jong ka snieh kaba don ha ki krurg jong ka bñroh arhang, kane ka snieh ka long kum ki thapniang ia ka. Kam lah ban her arted namar ki snieh jong ka ym don jing kaweh. Lada ka hap shapoh khyndew ka ah hi ban kiew sha lor dieng kum ki miaw. Ha ka ktien phareng ki khot Flying Squirrel. Kane ka her ka kha khun ha ka shisnem tang iwei, teng khat phyn shem ba ka kha ar tylli. Ka long ka mrad ka bym roi jaid. Ka jingpah jong ka kaba sngew ngiew ne sngew sheptieng lada don marwei ha poh khlaw khamtam ia kito ki bym pat ju tip ne iohi ia ka.

## U BSHAD

U Bshad pat u long uba rit kat ka khun miaw kaba la bamja ka lynter ka met kaba jrong bad ba bthuh, ka kpoh kaba lieh malu mala u tdong uba jrong bad kyrphum kum u Risang. Ka rong bad jing thoh ym iai long kumba ong manga hynrei u lah ban thoh bun jaid kumjuh kumba phi ju iohi ia ki khun ksew, bakha ha kawei ka por da kiba thoh iong, hynrei ha kawei pat ka por da kiba thoh lieh. Une u mrad u bam da ki khnai, da ki sim bad ki syiar, Lada phi ri ia u phin dap da ka jingsalia kaba khraw, ba khlem jingsangheh un kiew ia ka ing ka sem ia ki jingbuh khiew buh plang, hynrei uba shun bha ia ki Bsein. Lada jia ba u lap ia ki sein thli ne se n iong kata ka long ka jingbeh mrad jong u, un bud shano ki leit bad khlem da ichnoh ha ban da lap, Tang shu lap un kynrup kynthih shalor met, bad un pyrshang katba lah ba un ioh ksam da ki tyrsim ia ki khmat bsein, bad lada u bsein u rung sha poh thliw ma u pat un dait na ka met, bad ha kanc ka rukom leh jong u, u bsein um banse ban shu her iap kat shaba poi bad lada u Bshad u ichnoh kata te u la lait im.

Haba nga dang shong ha Angratoli Reserve Forest ka bynta ba shuthie jong ka Garo Hills nga ri syiar hynrei shu wan bam u mrad hapoh sem bad nga tharai ba dei u Ksar. Kumta nga set bha ia ka jot ka pei jong ka sem bad sumar bha katta katta hynrei shu wan bam mrad hi kumjuh. Phewse khalduh nga shem hi da lade ba wan u Bshad

---

## U PHYLLAD

U Phyllad u long u mrad uba heh kat ka miaw kmie, u thoh iong sha khlieh, u thoh stem sha kpoh, u lieh ka shadem, ka met u bthuh, ka jingthoh ka rong ka rup jong u kam pher ei ei u lah ruh ban thoh lieh thoh saw ne thoh kano kano kawei pat ka rong, tang ba dei ban ithuh ba u dei u Phyllad, u tdong uba

rong bad uba kyrphum malu mala. Use u mrad u  
 im da bun rukom ki jingbam tangba u kham bang eh  
 ia ka ngap, bad u leit wad ha ki thliw maw thliw  
 dieng halor ki riat bah riat san ha ki jaka ba u suba  
 ba shong ngap. Lada phi lap ha ka por ba u kblong  
 ngap kaba ithamula shibun eh, u pynran la ka met  
 ryngkdung bad u pynieng la u niuh khlieh prem, kane  
 ka long ka buit jong u, nangta u khaprip la ki khmat  
 bad ki kti pat u klosh sha ba don ka ngap bad ynda u  
 ioh ia ka ngap ki lyngkniap u sei sha bar bad u buh  
 ha jan jong u tad haduh ba un da la lah sei lut baroh  
 kat kaba don ha thliw. Te nga imat ba ha kato hi  
 ka por ba u dang khlung ngap lada par sor sor bad  
 shim noh ia kato kaba u la lum imat kumba um tip  
 ei ei ba u dang pynleit jingmut eh ha kaba khlung.

---

## KA MIAW KHLAW

Ka miaw khlaw ka long thik kum ka miaw  
 shnong, bad ka jingiapher ka don tang khyndiat eh  
 namar ka kham jrong ka ryngieng bad ka lynter, ka  
 bthuh ka kpoh bad sawriang ka met bad ym ju iohi  
 kiba thoh iong lane thohlieh kum ki miaw shnong.

Ka Miaw khlaw kam ju tieng ia ki briew haba  
 ka mon ka mih la ka mih bad iaiaid ha khmat jong ki  
 briew, Kane ka miaw ka pynduh ia ki syiar, bad  
 haba ka wan ma ka sha sem syiar, ki syiar baroh ki  
 sngap jar hynrei ka yiar kmie ka pah ha ka sur kaba  
 rit katta katta ba ka ai dak ia ki syiar ba kin ym khh  
 ba wan u khla ioh iap. Kane ka miaw pat ka leit  
 la ka leit beit sha kano kano ka syiar ba ka imon ban  
 kem bad ka dait trait na shadem na trai u ryndang  
 bad sei shabar khlem da lynnir kata ka syiar, hynrei  
 shu sngewthuh tang ba ka kyrthlup da ki thapning  
 ban lait na ka jingdait jong ka. Lada phi mih ka iaiaid  
 la ka iaiaid bad khlem da ieh noh ia kata ka syiar bad  
 lada jia ba phi khang na khmat jong ka ka phai noh  
 sha kynriang bad iaiaid hi la ka iaiaid kum bym tip eiei  
 bad katba phin wad suloi ka la poi shapoh khlaw.

## U KYNDAD

Une u kyndad dei u kynja khnai uba phi ju iohi ha surok ne ha kper ing ne ha kper lum, u bym don bor ban her ne phot stet kum ka khnai, haba u mih shabar ka syiar ruh ka puh pyniap. Ka met kaba bthuh hynrei haba dum i kumba ka iöng, ka kpoh kaba lieh bad u tdong uba lyngkot katta katta, ka khlieh bad kjat kum ka khnai, ki khmat kiba rit, hynrei ki kti pat ki iapher ki long da pyrdet ha kata ka rukom ba u lah ban krad ban kyndat ia ka khyndew sha baroh arliang ki krung jong u haba u ngam shapoh khyndew. Kano kano ka jaka ba u don la ithuh ba u ngam shapoh ter shi ter sha kano kano ka jaka ba u mon, bad kata ka jingkyntur jong u napoh ka mih dak shalor khyndew kum u line. Lada u don ha kano kano ka kper duh lut ki jingthung ba u kyntur hapoh tynrai. Kaba phylla ia une u mrad rit ka long ba lada ka hati ka iaïd bad lap ia u ba u par halor surok ka sangeh kam nud iaïd shuh haduh ba un da poi sha shiliang surok. Ki briew ki ju kren pharshi ia kino kino ki riew rit ne riewduk kiba shlur ban leit ia kynduh bad ki riewheh riewspah, ban ia ai nia ha kino kino ki kam rangbah ki ong 'U kyndad pyntieng hati.

---

## KA KYLLA BADUR KA LYMBIT

Kine ki arjait ki mrad her, kiba tip bad ithuh bha ki briew, khamtam ia ka kyllabadur ba ki shait siat ban bam doh Kine ki thiah mynsngi bad ki iaïd ne wad jingbam mynmiet. Ki don ki thapniang da ka snieh kaba stang nir nir bad ha ki dong jong kine shaphang ka tdong don ki tyrsim ba khwai kiba nep bad da kine ki sdien ki snoh ialade halor ki dieng ki siej ne ha kano kano ka jaka kiba ki mon, bad haba ka sdien ne snoh ka long da khongpong kata ka khlieh

sha khyndew bad ka tdong sha bneng. Ka lymbit ruh ka long hi kumjuh kum ka kyllabadur tang ba ka rit. Kane kam ju tieng ia ki briew bad ka shait rung shapoh ing, te ha ki ing kiba don khynnah ki ia sympat da u dieng u synsar ne katba ki ioh katba ki nang sympat katta ka nang dom bad nang iai tur.

Lada jia ba phi leit sha Dkhar phin shem sha ki ing Bangla kiba sharud shnong bad kiba kynjah, ba ki shong da ki phew hapoh ka sad, khamtam ha ki Bungla Forest, namar ki don shapoh khlaw. Ka met jong ka kyllabadur ka sawbthuh, bad ka Lymbit ka bthuh kum ka khnai hynrei baroh arjaid ki khmat ki shkor ki bniat ki long thik kum ka khnai. Ki bam da ki soh bad ki Jakoid, bad phin shem barabor ha branda jong ki ing Bungla ia ki khlieh ne ki kjat jakoid ba kyntait bam kine ki mrad. Ka doh jong ka Kyllabadur kaba bang bad phin shet kumne : Shet um ia ka doh bad tang shu thnam theh lut ia ka um khnang ban jah ka jingiw khong, nangta sa shet kylla bad ai musla. U Dohnud jong ka uba heh uba proh bad uba shrong.

Ia ki shyieng thapniang jong kine phi lah ban pynlong dieng suhbniat bad ka pynbha ruh ia ki bniat jong ki briew. Ki briew kiba kynjing kin ym treh da lei lei ban bam ia ka Kyllabadur, namar haba ki peit ia ka khlieh ba ia ot bad buh kyrpang, ia i kum ka khlieh khun Ksew khun miaw ba ot doh na ia ing.

Ka pharshi, lada ia ryngkat bad kino kino ki briew bad ia shem ia ki kynthei dakait bad ki kylli kiei phi kito ki briew kiba riam haduh katto katto eh ? Ka jubab khnang ban ym sngewthuh kiwei pat ki shu ong shikyntien, Kito te ki Kyllabadur kein. Ka daw namar ba ki iaid wad bam mynmiet. Kino kino kiba na ka liang la jong ynda kim i myntoi shuh ki leit ban ialang lok sha kawei pat ki ju ong ka Lymbit.



# U NIANGKHIED NE U DIENGKHIED

Une u long u mrad uba iphylla, bun ruh ki bym pat ju iohi, don uba heh bad don ruh uba rit, uba heh u lah ban heh kat ki ksew nongkyndong kiba rit, bad kiba rit pat kat ka miaw rit ka khlieh, ka khmut ka khmat bad ki bniat, u tmain u tmoh ki long thik kum ka khnai. Ka met la tep da ki speh kiba iong bad katba ki nang heh ki thoblieh thoh iong, katno ka jing itynnad lada phi peit bad nujor bha, hapdeng kine ki khnam la don ka ryntieh kaba long kum u dieng snier syiar ba la phut lut ia ki sner ne baroh arliang bad ka kyllaiñ kdor kynd'at eh ha khmut, ym lah ban tip ha kano ka rukom u phnieng bad siat ia ki khnam, bad ha kano pat ka rukom ki khnam ki mih na ka met jong u bad dei wat ia i tdong tympew lada u siat. U tdong pat u long uba phylla na ki tdong mrad baroh jong kane ka pyrthei, u long kum u synsar ing kyrphum sha kliar ha kine ki kyrphum pat la soh ki kop kum ki kop u symbai tyrso bad lada phi kynruh ki riew malu mala kum ki shakuriaw.

Une u mrad uba pynjot ia ka thung ka tep, bad ki briew kiba thap ia u ha ki lyngkha ki ong naduh jngai la sngewthuh ba wan u Niangkhied namar ha riew ki shakuriaw ne riew ka put ka tem jong u. U shong u sah shapoh ki krem khyrdew kiba jylliew, u da pyllait ki lynti ba buhrieh jong u (Singpei) kiba u lah ban phet ne pyllait im ialade lada jia ba beh ki nongshun. Ki briew ki ju beh ia u da ki ksew, ka hor ka buit te lah hi u ksew, une u mrad tang shu beh ki Ksew u phet sha la ka krem ba un rieh, ki ksew pat ki beh roit roit bad rung shapoh krem, harata u Niangkhied pat u siat da ki khnam, ki ksew kiba la ju mlien tang shu dei khnam ki mih shabar ban sei ki briew bad tang shu lah sei ki ngam biang, bad lada k'm lah rung ba rit eh ka thliew, ki briew ki shu tih bad lada kim lah tih ki set ia ki singpei katba ki don bad na kata ka thliew ba rung ki ksew ki lum da ki

dieng bad thang ding bad ki pyoh da ki sla dieng kiba im ban mih tdem bad ki ialeh katba lah ba kata ka tdem kan rung shapoh ba don ma u bad da kane ka rukom um banse ban mih shabar, u tang shu mih kynrup ki ksew bad ioh pyniap.

Ki briew kiba sha nongkyndong ki bym don suloi ki ialeh shitom da kaba ki riam ha ka lynti ba u iaide ban leit pynjot ia ki lyngkha, ki pynap da u syrwha ki da teh ha u dienglyngkhot, bad lada u ngat u lah ban ring ia uta u dieng lyngkhot kumba sawphew ne shispah pruh hynrei u syrwha pat u nang syngit ia ka ryngdang jong u haduh ba un da dkut mynsiem.

Don pat kiba riam da ka sem ha ki lynti ba u iaide ban rung shapoh lyngkha, ki ker da ki dieng kiba rit baroh arliang ki krung bad tap bha shalor da ki dieng ba la teh skhem bad ki pyllait ia ki thliw baroh arliang, ki da peit bad bishar lada u wan rung ne em ha kata ka sem, bad lada u rung ki sa thaw jingkhong bad phnieng bad u tang shu rung u la ngat artad.

Ha kine ki rukom riam u ngat teng teng namar u long uba sianti bad lada u suba ba don jingsniew ei ei ha ka lynti ba u iaide u kynran bad iaide noh shawei.

Ki briew kiba ju mlien beh niangkhieng haba ki iohi ia ki khun ki bud dien shaduh krem baduh ba kin da shem ia ka thliw ba ki shong, bad tang shu lap ki wad ia ki sympei bad kim pynthut ei ei, kumta hi mar mar ki thain da ki shrip kiba heh kat ka khohtung bad ki pynap ha ki thliw sympei ki da teh bad sah skhem bha da ki snar dieng ba kan ym kyllon lada kynjut ne pynkhih, bad tang shu lah leh kumta ki sliew da ka ding ki pynmeh ha ban da tdem bha bad pynrung ia kata ka tdem shapoh thliw ba shong ki Niangthied, hangta ki ia klumar bad ia mih kat na ba shem ba lap bad ngat hapoh ka shrip.

Ki jaid rit pat ki long kumjuh ha kiei kiei baroh kum uba heh bad bun ki briew ki khot kyrteng ia ki u Brai.

Kine baroh arjaid ynda ki laid angawbha ki  
pynriew ia u tdong shakurlaw, kumta ki briew ki  
sa ong haba wan u Niangkhied, u da wan bad ka  
put ka tem. Ki khnam Niangkhied la pyndonkam  
ha kaba sam shkor ia ki kynthai.

---

## U SHRIEH, U TNGAW BAD KA HULENG

Kine ki mrad kiew dieng kiba ka kti, shynriahti  
bad tyrsim ki long thik kum ka jong ki briew, ki kjat  
ruh ki long kumjuh kum ki kti hi tang ba ki dong saw  
shynriahti ka khlich ki shkor ruh ki ia syriem kum ki  
briew Lada phi long u riew iaid pyrthei haei re ha-ei  
ha ki nongkyndong phin shem ia uwei ne ar u briew  
uba jrong ka tmoh, thliw ki khmat bad mih ka sha-  
langmat bad lada phi bishar hangta phin sa ong wa  
hangne ruh don u briew uba sniew briew kum u  
shrieh. Kine ki mrad lada ki kiew dieng ruh hynrei ka  
jaka shong pat hapoh khyndew ha ki synrang maw ne  
khyndew kiba ha shiteng riat ha ki jaka bym lait shuh  
ki briew. Ha ba ki mon ki shong ki thiah ruh halor  
dieng.

U Shrieh, ka met kaba bthuh saw, lieh ka kpoh  
u tdong uba lyngkot, ka shyntur bad ki ngab lieh saw,  
u shrieh-bah u saw ka jingshong de.

U Tngaw, u shhiuh uba bthuh lieh, bad byrtem  
ka kpoh malu mala, ka khmat bad ki ngab kaba iong,  
u tdong uba jrong kat u tdong masi.

U shrieh u long u mrad uba sniew uba pynduh  
pynjot ia ka thung ka tep, ka rep ka riang jong ki  
briew, bad ia ki jingthung kiba um ju bam ruh phut  
kai bad dkhat lyngkhot lyngkhai.

U Tngaw pat u long uba bha bad um ju hlar hapoh khyndew ban leit sha ki lyngkha, um ju kwah ruh ban ia iaïd lang bad ki Shrich. Ha ba nga dang don ha Garo Hills, ha kawei ka nongkyndong ba bam ki shrieh ia u kba bad u riewhadem ha lyngkha, nga ong ia u trai lyngkha ba un riam ia kine ki shrieh, hynrei u ong ngam nang, te namar ba u siej u tap lup ia ka lum kawah nga ong ia u to shna iwei i ïng iba rit da u siej bad teh skhem bha, bad nga ong ia u to sdien ia ki riewhadem hapoh ito i ïng, te mar-kumta pat nga ong ia u ha ka por ba un kheit lut ia u riewhadem ba un sdien shuh kham bun bad phnieng noh ia ka jingkhang, bad u ruh u la leh kumba nga ong u da teh khyndiat u riewhadem ha u diengphnieng bad buh kham ha kyndong ha kawei ka sngi la wan ki shrieh ki rung bad bam ia uta u riewhadem uba bun bad hamar ba la lut, kawei na ki ka la shim ia uta uba teh ha u diengphnieng kumta la bthei thlap ka jingriam bad khang sbak kata ka jingkhang bad la ngat lut ia ki. Te la long ka peit kai kaba itynnad la ki pyrshang ban dait ruh kim nud ba ioh phod u siej, la kin piet da ki kti ruh ym long kumta ki la ialang khroi hapoh jingriam, ynda leit hajan bad rah da u dieng ki lynñiar bad da la ki kti kumba leh ki khynnah ha ka por ba phin shoh. Hadien khyndiat sngi nga leit kai sha ïng uta u briew nga lap pynban ba u sdien ia ki kti ki kjat shrieh ha phyllaw bad nga i ngiew kumba iohi ia ki kti ki nongiap, bad la wan poi kynmaw sa ia ka Kalikai.

Te la poi ka por ba ngan kynriah noh sha ka wei pat ka jaka kaba ha khap Mymensing kaba shong ki Dkhar (Koch bad Hajong) kine ruh ki wan kyrpad ia nga ban siat shrieh ba ki wan bam kba ha lyngkha, namar ym ju don suloi ha kine ki jaka, te nga la ong ia ki ba ngam ju siat shrieh da ka suloi jong nga hynrei ngan ai ia phi kawei ka buit ryngkat bad nga. Te pynlang ka thit sohphan na man la ka ïng ki paralok bad ynda ki la lah pynlang ki wan wad ia nga bad la ia buh ka sngi ka jaka ba ngin iashem lang baroh, kumta ki la leit noh bad ma nga pat nga la rkhië iap ang iap ler ka bym lah ong shuh haba nga pyrshang da

da ki buit u Birböl. To tip ba ki briew kiba hapoh Ri Garo bad khap Bengal ne Mymensing ki dang long kiba bieit kum ki riewhyndai. Te la poi ka sngi bad nga la leit sha kata ka jaka kaba la iabuh ha ing uwei u Koch, bad nga la pan ia ka thit sohphan kaba don kumba saw ser bad nga pynum ha iwei i khiew khyn-dew da kaba tiew ha ding, nangta nga pan sa u soh-mynken kumba shiser namar ba ki pahuh ba ki rep hi bad ynda la lah dung la tylliati nga khleh lang bad ka thit, nangta nga ia leit tang lai ngut saw ngut sha kata ka tyngkha bad ia tah ia tabaiñ ia kata ka thit khleh sohmynten ba ki dieng ki siej na ki ta ki dong ba ju wan ki shriei bad tang shu dep nga ia phet noh sha jngai, bad ia ki briew kiba wan bud nadien jong nga, nga phah ba kin leit beh leit khang ia ki shriei ban kin leit beh khang ia ki shriei ba kin wan sha ka jaka kaba nga ia riam thit, te tang shi por la wan poi kita ki shriei bad ki kham ia ki dieng tah thit bad la bit ia ki kti ki kjat hangta ki kynthar bad dait ka shyntur markumta pat sat sa u sohmynten kim tip briew shuh ki lakyllan sa sha khmut sha khmat bad lynnai, ma nga pat bad ki khar Koch nga leit ia khang ba kin mih sha madan nga la ioh pyniap artylli, ki Shriei ki lashu rynsied ryngkoh kat shaba lap ba shem bym lah peit shuh ki khmat ba sat sohmynten bad bit ka thit. Hangta la long ka Tamasa ia rkhi bad kynthai bad khyonah la iapler ki tymmen ki Kro. Hadien khyn-diat sngi la poi ka khubor sha kiwei pat ki shnong rit bad kat kaba iohi ia nga ki la sam rkhi lypa naduh ngai. Kane ka jaka ka long ha Gobrakura hajan Angrotoli Forest Office ha ka lynti sha Baghmara.

Ha ka jaka ba bun ki Tngaw, U khla ruh u ju l-it thap bad lada ki hiar shapoh khyndew un pyniap bad bam doh. Kumjuh ruh ia ki Huleng u don ka jingsni kaba khraw. Ki Garo ki iathuh ia nga ba don ka jingiatch ba ki Tngaw ki dei ban ai ia u Khla uwei u Tngaw shisien shi snem, bad nga la lap ruh ha kawei ka por ba nga leit ban survey ia ki Sal Plantation hapoh lawbah ba don ka jingpah jingkhynwin ki Tngaw la khij bad dieng bad siej namar ba ki ia bun, bad nga wan phaj noh sha la ing khlem da buh

jingmut ei ei, Ha kawei pat ka sngi nga leit biang sha kata ka jaka bad arngut ki Garo, bad shongthait halor u maw uba jrong, kita pat ki Garo ki wallam sha nga ia ka snieh Tngaw ba la bam u Khla, bad hangta nga la kynmaw ia kata ka jingiathuh jong ki ba don ka jing iateh naduh hyndai ba shisien shi snem ki dei ban ai uwei u Tngaw ia u Khla, te kata ka jingpah jing-khywin jingkhieh ki dieng ki siej ka long narmar ba ki Tngaw ki niat shapoh khydew ia uta uba ki ai ia u khla. Kane ka jaka ka long ha Dambu, Garo, Hills.

Ha Nongpoh, Khasi Hills, ki briew ki ju kñia Huleng bad ha ka sngi kaba leit beh Huleng. Ki shyn-rang ki ia jeng shriak bad la ki "Tiehbatur" bad maw siat te katba ki nang iaid ki siat da ki maw sha khmat jong ki sha lynti ba kin leit bad da ka jingbun ki nongsiat la hap ki maw kum ki phria, te ia ka Huleng ki siat da ka Tiehbatur, ym bit ban siat da ka suloi ynda ki la ioh ki wan lam sha ka jaka kñia bad pyn-dep ia ka jingkñia.

Lada ia u Tngaw ne ka Huleng, phin ring hapoh Khyndew sha ka jaka ba don u Khla, ha kata hi ka miet un bud dien haduh ba un da shem ia kata ka met iap ba un bam. Kane ruh ka long ka jingpah ia u khla ba un ngat ha ka jingriam ne ha kaba thap siat da ka suloi.

Ka pun ka kha jong kine ki mrad ka long tang iwei kumba shisien shi snem, Ki ialam ia ki khun kat shaba ki leit ki shu bah ha ka met, ki khun pat haba la bah ka kmie ki snoh hi rydin bad kim ju hap haba ka kmie ka rypsied na ka tnad dieng sha kawei pat, Kine ki mrad ki im slem bad kumba shispah snem.

# KI RYNGKEW KI BASA

La ju iohsngew ia ka jingong ki tymmen ki san ba don ki Ryngkew ki Basa lane ki 'Lei lum' ki 'Lei wah' bad dei kine kiba ri ia ka jingim ki mrad ki mreng hapoh khlaw. Ha ka 1963, ngi ialcit siat mrad sha Mikir Hills ha u bnai March bad ynda ngi ia rung shapoh khlaw ngi ia-pra la ka lum ka lum bad mar jngai khnang ban iathap mrad, te khnang ba ka mrad kan nym sngewthuh ne sma briew ngi ia kiew halor dieng la kumta ruh ngi da ia maham ban ym don mano mano ruh ba hiar ne leit par sha ka jaka kiwei pat lada ki iohi ia ki mrad ioh ia mynsaw para briew, te la jia ba mih kawci ka 'Ngiem bah, ka 'ngiem tymmen ha ka dong ba thap U Brelson, laityngkot, bad u tang shu iohi ia ka u la pynbiang bha ialade ban siat hynrei kumno re kumno um ioh siat ba kah noh ka trai diengbah te u sangeh bad peit thik sha ka ban ioh siat na ka jaka kaba bha ba tang shisien siat (shikuli) kan kyllon iap lane kan nym lah phet shuh, hynrei hapdeng kane ka jingpeit ban siat noh u la kham bang pynban ban peit kai ia ka jingheh bad itieng jong kane ka dngiem, u ong ba ka jingheh jong ka la i kat kum ka jeep. Te ha kata hi ka por la wan mih iwei i syiar khlaw, iba rit i leit sha ka beit beit, bad tang shu poi hajan i puh ia ka met ka phad jong kata ka dngiem baroh sawdong kumba puh ñiang-tyngkhap ki saro ia ki blang ki masi, bad tang shu dep i phet bran bad leit beit shapoh khlaw khlem da mih shuh. Te ha ka jingngeit ki khasi la kumno kumno ruh ki la ngeit ba ita i syiar i long U Ryngkew, U Basa, uba ri ia ka jingim ki mrad ha la ka jong ka jaka, ka lum bad ka wah.

Ki Khasi kiba dang ngeit ha la ka jong ka niam haba ki leit siat mrad bad wan phai khlem da ioh, wat haba ki iohi ne la siat ia ka mrad ki ong ba don U Ryngkew U Basa, ba um pat mon ban ai. Teng teng ki-iah bad teng teng ruh kim ioh.

Shisiea ha Sohra la don ka jingleit siat khiat, bad ynda ki la ai ksew ym mih khiat satia, te ynda ki la iashong thait ki ia khan da u sbai bad kylli lada don khiat ne em ha utai uwei pat u lum, u sbai u jubab ba ym don eiei, joit la ieng u bah Hobison shim la ka suloi ting ia ki ksew beh bad leit beit beit sha ka them jong uta u lum uba la jubab u sbai hynrei mar ia iaid lyapba ka them bad tang shu kiew ha shateng riat u ia shena ngung ha khmat da u khiat, u khem daiñ shi suloi bad kyllon u khiat kram. Kuinta baroh ki paralok beh mrad ki wan ia poi lem bad uta u nongkhan sbai u bah Hobison kumno u leh, u leit bran sha u, u kloh ia ka pla u shim ia kita ki sbai u ktha thrap hapoh shyntur, u khlei u bynthiew u kyrkhah u be ñ ia ka kñia bad um ngeit shuh naduh kata ka por.

U Nongkhan sbai pat u said pynim la ka ñia u ong ba kiba bun na kane ka kynhun behmrad ki long ki briew kiba lambyrneit lang bad ka niam Khristan. Hangta ikhie pa hiat sa ki lok baroh ia u ka bym lah ong shuh.

## JINGSHAD KI SIM BAD KI MRAD RIT


Mynta ngan ia thuhkhana khyndiat ia kane ka jingshad. Shisiea ha ka por hyndai haba ki sim rit bad ki mrad rit ki iapoi ha ka jingjadei lok bad sngewbha ki ialang ha ka wei ka jaka kaba kynrum kynram ki maw ba la tap da ia khlaw bniap khlaw sañiem, ka daw ba ki khaweit ia ki sim kiba heh kum ki khleng ki kbeit ki tyngab kin wan swait ban ioh kem ia ki hynrei kum ha kane ka jaka lada jia eiei kin ioh bsuh shapoh bniap bad ngam shapoh thiew maw, te ha ka jingialang para barit bor ki la ia kut ban pynlong da ka shad ka kmen kumta ki mrad rit ki ia jied nangtrej kam put kam tem, bad ba ki sim



ki la jled nongshad bad kumne :— Nongtem nakra  
 ne bom da u dkhan, tem padiah da u naipihlang, put  
 tangmuri da ka shakyllie, nongshad da ka dkhoh,  
 nongshad wait ne mastieh da u risang, nongpynshit  
 kam da ka lorni, Te ki la ia buh ka srgi ka ia bad  
 la ia poi lut baroh bad la sdang ka put ka tem bad la  
 hiar ki nongshad hapoh lypung bad shad, kumta  
 mih sa u risang bad shad haduh bym lah ong shuh  
 bad ka kaweh thuija da la u tdong, kumta de da ka  
 jingkyrkait bad pynshongshit ka lorni, ka shakyllia  
 ka nang pynjur ka put tangmuri hangta khywin ka  
 tamasa jling. Ki nongpeitkai pat baroh arliang (Ka  
 sim bad ki Mrad) ki shu pyrhurtarg ka kdew kti  
 ia ka jingnang shad ki paralok lem bad ka sawkhmut  
 sawkhmat ba dap da ka jingkmien bad jingrakhie. Te  
 ynda la pdeng bha ka jingshad, U Pihlang uba tem  
 padiah u shad u kyrdem kiat bad pynshat ia la ki  
 khmat shane shatai u iohi ia ka dkhoh ba ka shad bad  
 kmien naduh la ka mynsiem u tyadung kti ia u dkhan  
 ban peit ia ka bad kum sargeh noh ka tem.

U Dkhan pat u ba pli u ba shu kmien ha la  
 marwei u tem la ka tem bad kohnguh kohngah la ka  
 khlieh shane shatai um poi pyrkhait eiei ia kata ka  
 tyndung kti u pihlang bun peit ia kata ka jingshad, u  
 nang pyrkhait pynban ba un nang pynjur ka bom, te  
 ynda u dkhan u nang pynjur ka tem u pihlang u  
 sangeh noh bad u dkhan u peit lew ia u, u pihlang  
 pat u kdew sha u dkhan bad tem noh la ka padiah  
 bad rkhiie sammut ha la marwei da kaba khapbrip noh  
 la ki khmat. Te u dkhan u peit ia ka dkhoh ba ka  
 shad ryhem mynsiem ka da pynheh ryngkdung la ka  
 met, pyniar la ki thapniang la u tdong bad pynheh ki  
 sner ryndang lem bad ki khmat kiba heh pyllew bad  
 ka khmut kaba kdor, kynsan kynsan u kum rkhiie kak,  
 khlem tip tem shuh, iatem iatem, iarkhiie iarkhiie, bad  
 iañiad iañiad ummat de, bad iapeit iapeit sha ka de.  
 Te baroh ynda ki iohi ia ka rkhiie iap-ang iap-ler  
 jong u dkhan, ki iatur shata baroh riaw ba ki da itham  
 mula ia ka jingrkhiie jong u kum ban mih sa ka eit ka  
 ksem bad kumta baroh ki iasoh ia jingrkhiie khlem da  
 tip ia ka daw aiu ba u rkhiie. Te ki la kylli ia u balei

ba me rkhe eh haduh katne kat ban dam sa ki khmat,  
 u shu kdew da ka kti sha ka dkhoh namar um lajt  
 shuh ban kren kumta baroh ki la iapeit bad ia rkhe  
 ia ka jingsniew briew jong ka bad don ruh kiba ong  
 to peit to peit se ym dei kumta ? Ka Dkhoh tang  
 shuwai ka shad ka ioh sngew ia kine ki ktien baroh  
 ka kyrhuh ka byrthen ia ki. Naduh kata ka por u  
 pihlang u kylla heh khlieh bad pylleñ ki khmat. U  
 dkhan pat ngam ki khmat shapoh. Ka dkhoh pat ka  
 kylla nongbam doh sim dohkhnaì.



# **HEI PARA RI**

## **NA DUKAN KIASI**

*Wat Klet*

Phin ioh barch ki jingdonkam ha ka  
dor kaba bit.

**NA**

**SHABONG**

**STORE**

**Hajan Cherra Bus Stand Shillong**  
**Phone No. 6860.**

# Shi Kyntien Shaphang Ka Khasi-Jaintia Welfare Association

Ki hynriew ngut ki khun U Hynniew Trep ha ka jingia kynduh ha ka 8 3 1977 hapoh ka jingialam I Fr.Sngi Lyngdoh ki la ia kut kawei ka jingmut ban kyrsiew thiah ia la ka jaitbynriew kaba don ha tmier ka riat-bah, kumba la kdew ha i kot lyngkdop "Ki Maw-Shyiang U Hynniew Trep Ki Ud Ha Phi Ki Nongialam Ka Ri" Halor kane ban pynsted ia ki shalyntem jong ka jing-trei kam la pynlong ia ka jingialang paitbah ha Dinam Hall Jaiaw ha u 'nai jymang 1977 hapoh ka jingialam I Syiem Olim Singh Syiem Khyrim (Bam Kwai ha dwar U Blei) ha kaba la ia rai ban pynkhreh kyrkieh ia ka Riti jong ka Seng hapoh ka jingialam jong i Pastor T. Rodborne. La pdiang ia ka Riti ha u naitung 1977 ha ka kyrteng ka Seng 'Ka Khasi Jaintia Welfare Association' (K.J.W.A.). La suit la shor ha ka 20 tarik Nailer 1977 da I Pastor W. Manners ha K.J.P. Girls' High School ryngkat bad ka Jingkyrkhu kyrdoh I Paem Olim (U Syiem bat niam khasi tynrai) lem bad ka jingkyntu na I long kmie, I kong Margret Rose Mawlong.

Ka Seng ha ka 'tien phira (motto) jong ka ban shakri ia ka Ri bad ka Jaid bynriew ka thmu (1) ban shim kabu ia ki hok kat kum ba la buh ha ka Riti ka Ri India (2) ban wad bad pynduh ia ka jingbam kruin kaba don ha ka jaidbynriew (3) ban iarap bad shakri ia la ki para doh para snam (4) ban kyntiew ia ka nang ka stad bad ka akor ka burom bad (5) ban pynneh pynsah ia ki khyndew ki shyiap bad pynneh ia ka spah ha la ka Ri.

Ka Seng hapoh ka jingialam jong I Dr. Hamlet Bareh kum U President ka la trei ia ki kam kiba radbah ha ka por kaba lyngkot ha ki liang baroh kiba iadei bad ka imlang sahlang jong U Hynniew Trep. Kane ka Seng ka kular ban long kaba khuid bad ka bym ia don kti bad kino kino ki seng sain pyrthei, hynrei ka long kaba klor ban iatrei lang bad kino kino ki seng bhalang kiba don ka jingthmu ban kyntiew ia ka jait-byrnriew khamtam ia ki khun samla ka ri sha ki klier lum jong ka Hok ka Sot. Kino kino kiba kloi bad kwah ban ia snoh kti larg bad kane ka Seng kin sngewbha ban wad jingtip ba thikna na uba soi kyrteng harum.

Khublei  
**M. Roy Allya**  
General Secretary  
K.J.W.A

Mission Compound Shillong-2.